

Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Pel dous chan que·l rossignols fai > Tradizione manoscritta > CANZONIERE C > Edizione diplomatica

---

## Edizione diplomatica


<p>image not found <a href="https://letteraturaeuropea.let.uniroma1.it/sites/default/files/Fran%C3%A7ais_856__btv1b8419246t_166_1.jpeg">https://letteraturaeuropea.let.uniroma1.it/sites/default/files/Fran%C3%A7ais_856__btv1b8419246t_166_1.jpeg</a></p> 	<p style="text-align: right;"><b>Bernat de</b></p> <p><b>PEI</b> dols chant <b>ue(n)tedor(n)</b> quel rocinhol(s) fai. la nueg quan mi son adurmitz. reuelh de ioi totz esbaitz. pensius damor e cossirans. quaiisso es mos mi elhers mestiers. quanc sei amei ioi uoluntiers. (et) ab ioi comen</p>
---	--

image not found

https://letteraturaeuropea.let.uniroma1.it/sites/default/files/Fran%C3%A7ais

56\_\_btv1b8419246t\_166%20Copia.jpeg

sa mos chans.

**Q**ui sabia lo ioy(s) q(ui)eu nai. nel  
iois fos tals quen fos auzitz.  
totz autres ioy(s) fora petitz. uas  
que lo mieus ioy(s) fora grans.  
tals sen fai conhtes e parliers.  
e cui desser rics e sobriers. de fi-  
namor q(ui)eu nai dos tans.

**S**ouen li remir son cors guai.  
cum es ben faitz e gent chautitz.  
de cortezia e de bels digz. e si de  
plus mi pren talans. ops lau-  
ria us ans entiers. si uolia esser  
uertadiers. tant es corteze be-  
nestans.

**D**omna uostrom sui e serai. al  
uostre seruizi guarnitz. uostro(m)  
sui iuratz e pleuitz. e uostres  
era des enans. e uos es lo meus  
ioys premiers. e si seretz uos lo  
derriers. tan quan la uida mer  
durans.

**S**els que cuion q(ui)eu  
sia sai. no sabon ges cum lespe-  
ritz. es de lieys priuatz e aizitz.  
si tot lo cors senes lonhans. sap-  
chatz lo melhiers messatgiers.  
quai de lieys es mos cossiriers.  
quem recorda sos belhs sembra(n)s.

**N**o sai quoras mais uos ueirai.  
pus men uau iratz e marritz. p(er)  
uos me sui del rei partitz. e prec  
uos que nom sia dans. quieu se-  
rai en cort presentiers. entre do-  
nas e caualiers. francs e dous  
(et) humilian(s).

**U**gonet cortes me(s)-  
satgiers. cantatz ma canson uo-  
luntiers. ala reyna dels norma(n)s.

- letto 547 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

**Source URL:** <https://letteraturaeuropea.let.uniroma1.it/?q=laboratorio/edizione-diplomatica-1528>